

Na osnovu člana 28. tačka b.) Zakona o javnim preduzećima u Federaciji Bosne i Hercegovine („Službene novine Federacije BiH“, broj 8/05, 81/08, 22/09 i 109/12), člana 7. i 8. Zakona o ministarskim, vladinim i drugim imenovanjima Federacije BiH („Službene novine Federacije BiH“ broj 12/03, 34/03, 65/13) i Odluke Odbora za reviziju Javnog preduzeća „Grijanje“ d.o.o. Zenica, broj: 6525/25 od 19.06.2025. godine, raspisuje se:

JAVNI KONKURS ZA IZBOR I IMENOVANJE DIREKTORA ODJELA ZA INTERNU REVIZIJU JAVNOG PREDUZEĆA „GRIJANJE“ D.O.O. ZENICA

I PREDMET JAVNOG KONKURSA

Raspisuje se se javni konkurs za izbor i imenovanje direktora Odjela za internu reviziju Javnog preduzeća „Grijanje“ d.o.o. Zenica.

II OPIS POZICIJE

Dužnosti direktora Odjela za internu reviziju su utvrđene odredbama člana 30., 32. i 33. Zakona o javnim preduzećima u FBiH („Službene novine FBiH“ broj 8/05, 81/08, 22/09 i 109/12), Pravilnikom o uslovima za obavljanje interne revizije u javnom sektoru u Federaciji BiH („Službene novine Federacije BiH“, broj: 95/15, 48/17 i 42/24) i Statutom Javnog preduzeća „Grijanje“ d.o.o. Zenica.

III MANDAT I NAKNADA ZA RAD

Izbor i imenovanje direktora Odjela za internu reviziju Javnog preduzeća „Grijanje“ d.o.o. Zenica izvršit će Odbor za reviziju Javnog preduzeća „Grijanje“ d.o.o. Zenica uz prethodnu saglasnost Skupštine Preduzeća.

Imenovanje se vrši na period od 4 (četiri) godine.

Dužnosti direktora Odjela za internu reviziju utvrđene su članovima 30. do 33. Zakona o javnim preduzećima u Federaciji BiH i Statutom Preduzeća.

Naknada i druga prava direktora Odjela za internu reviziju utvrđuju se ugovorom, u skladu sa Odlukom Skupštine Javnog preduzeća „Grijanje“ d.o.o. Zenica.

IV OPĆI I POSEBNI USLOVI

Svi kandidati koji apliciraju na poziciju direktora Odjela za internu reviziju Javnog preduzeća „Grijanje“ d.o.o. Zenica moraju ispunjavati sljedeće opće i posebne uslove:

1. Opći uslovi:

- a) da je državljanin BiH i da ima prebivalište u BiH,
- b) da je stariji od 18 godina,
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 (tri) godine prije dana objavljivanja upražnjene pozicije,
- d) da se na kandidate ne odnosi član IX. 1. Ustava BiH,

- e) da kandidat nije osuđivan za krivično djelo nespojivo sa imenovanjem na dužnost direktora Odjela za internu reviziju za koju se kandiduje, 5 (pet) godina od dana pravosnažnosti presude, isključujući vrijeme zatvorske kazne,
- f) da mu nije izrečena zaštitna mjera zabrane obavljanja aktivnosti, 3 (tri) godine od dana pravosnažnosti odluke o izrečenoj zaštitnoj mjeri za poziciju za koju se kandiduje,
- g) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08),
- h) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03, 34/03, 65/13),
- i) da nije član Nadzornog odbora, Odbora za reviziju, Uprave, radnik Preduzeća i da nema privatni i/ili finansijski interes u Preduzeću, izuzev naknade za rad po osnovu funkcije direktora Odjela za internu reviziju

2. Posebni uslovi:

- a) VSS – VII stepen stručne spreme, odnosno visoko obrazovanje prvog ciklusa Bolonjskog sistema studiranja (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja ekonomskog ili pravnog smjera,
- b) da posjeduje sertifikat internog revizora za javni sektor u Federaciji BiH izdat od strane Federalnog ministarstva finansija,
- c) da ima najmanje 5 (pet) godina radnog staža u struci nakon sticanja diplome iz tačke a) ovog stava, od čega minimalno tri godine na nekim od sljedećih poslova:
 - poslovima revizije ili
 - poslovima interne revizije ili
 - poslovima budžetiranja u javnom sektoru ili
 - poslovima u vezi sa trezorskim poslovanjem ili
 - finansijsko-računovodstvenim poslovima
- d) poznavanje rada na računaru,
- e) poznavanje engleskog jezika

V PROCJENA KVALIFIKACIJA I ISKUSTVA KANDIDATA

Prilikom procjene kvalifikacije i iskustava svih kandidata uzet će se u obzir i sljedeće:

- sposobnost tumačenja ekonomskih i pravnih analiza i propisa,
- komunikacijske i organizatorske sposobnosti,
- stručne i iskustvene sposobnosti za razumijevanje poslovnih izvještaja, te poznavanje zakona i propisa iz oblasti finansija, računovodstva i revizije,
- posjedovanje stručnog znanja iz oblasti rada i organizacije privrednih društava i/ili institucija,
- rezultati ostvareni tokom prethodnog radnog angažmana i preporuka poslodavca.

VI POTREBNA DOKUMENTACIJA

Uz prijavu na Javni konkurs, koja treba sadržavati kraću biografiju, adresu, kontakt telefon i e-mail adresu, kandidati su dužni priložiti original ili ovjerene fotokopije dokumenata kao dokaz o ispunjavanju općih i posebnih uslova javnog konkursa, i to:

- a. Uvjerenje o državljanstvu Bosne i Hercegovine,
- b. CIPS potvrda o prebivalištu,
- c. Izvod iz matične knjige rođenih,
- d. Ovjerenu izjavu po niže navedenim alinejama da kandidat:
 - nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 (tri) godine prije dana objavljivanja upražnjene pozicije,

- da se na kandidata ne odnosi član IX.1. Ustava Bosne i Hercegovine,
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08),
- da ne vrši funkciju u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine Federacije Bosne i Hercegovine“, broj 12/03, 34/03, 65/13),
- da nije član Nadzornog odbora, Odbora za reviziju, Uprave, radnik Preduzeća i da nema privatni i/ili finansijski interes u Preduzeću, izuzev naknade za rad po osnovu funkcije direktora Odjela za internu reviziju,
- e. Uvjerenje da kandidatu nije izrečena zaštitna mjera zabrane obavljanja aktivnosti, 3 (tri) godine od dana pravosnažnosti odluke o izrečenoj zaštitnoj mjeri, izdato od nadležnog Općinskog suda prema mjestu prebivališta kandidata (ne starije od tri mjeseca od dana posljednjeg javnog objavljivanja konkursa),
- f. Uvjerenje da kandidat nije osuđivan za krivično djelo nespojivo sa imenovanjem na dužnost direktora Odjela za internu reviziju za koju se kandiduje, 5 (pet) godina od dana pravosnažnosti presude, isključujući vrijeme zatvorske kazne, izdato od nadležnog MUP-a (ne starije od tri mjeseca od dana posljednjeg javnog objavljivanja konkursa),
- g. Univerzitetsku/fakultetsku diplomu
- h. Certifikat internog revizora za javni sektor u Federaciji BiH izdat od strane Federalnog ministarstva finansija,
- i. Uvjerenje/potvrda o radnom iskustvu nakon sticanja visoke stručne spreme u trajanju najmanje 5 godina radnog staža u struci, od čega minimalno tri godine na nekim od sljedećih poslova:
 - poslovima revizije ili
 - poslovima interne revizije ili
 - poslovima budžetiranja u javnom sektoru ili
 - poslovima u vezi sa trezorskim poslovanjem ili
 - finansijsko-računovodstvenim poslovima
- j. Dokaz o poznavanju rada na računaru,
- k. Dokaz o poznavanju engleskog jezika

Svi priloženi dokumenti moraju biti u originalu ili ovjerenoj fotokopiji (ne stariji od 3 mjeseca od dana posljednjeg javnog objavljivanja, izuzev Izvoda iz matične knjige rođenih, koji je trajni dokument).

NAPOMENA

Kandidati koji ispunjavaju uslove propisane Javnim konkursom bit će stavljeni na listu sa užim izborom i pozvani na intervju pred Odbor za reviziju Preduzeća.

Prije održavanja intervju-a kandidati su dužni popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Kandidat kojeg nakon intervju-a većinom glasova izabere Odbor za reviziju Preduzeća, smatraće se da je najuspješnije prošao otvorenu konkurenciju.

U slučaju kada postoje dokazi da u postupku provođenja procedure Javnog konkursa nisu ispoštovani principi ili postupci utvrđeni Zakonom o ministarskim, vladinim i drugim imenovanjima FBiH, zainteresovana stranka može podnijeti prigovor na konačno imenovanje u skladu sa odredbama ovog zakona.

Lični podaci o podnosiocima prijava na javni konkurs su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“, broj: 47/06, 76/11 i 89/11).

Tekst javnog konkursa će biti objavljen u Dnevnom listu „Oslobođenje“, web stranici Grada Zenica, web stranici Javnog preduzeća „Grijanje“ d.o.o. Zenica i web stranici JU Službe za zapošljavanje ZDK.

Javni konkurs za podnošenje prijava ostaje otvoren 15 (petnaest) dana od dana objavljivanja u „Službenim novinama Federacije BiH“.

Neblagovremene i nepotpune prijave neće se uzeti u razmatranje.

Prijave sa svim traženim dokumentima treba dostaviti u zatvorenoj koverti lično na protokol preduzeća ili poštom preporučeno na adresu:

**Javno preduzeće „GRIJANJE“ d.o.o. Zenica,
ul. Bilmišće broj 107,
72000 Zenica,**

sa naznakom: „Prijava na javni konkurs za izbor i imenovanje direktora Odjela za internu reviziju“
-NE OTVARATI.